

(द्वितीयोऽध्यायः ॥ वर्गाः 1-30)

(11)

2

(म.7, अनु.1)

ऋषिः वसिष्ठः मैत्रावरुणिः	छन्दः त्रिष्टुप्	देवता इध्मः समिद्धः अग्निः वा 1,
नराशंसः 2, इळः 3, बर्हिः 4, देवीद्वारः 5, उषासानक्ता 6, दैव्यौ होतारौ प्रचेतसौ 7,		
तिस्रः देव्यः सरस्वतीळाभारत्यः 8, त्वष्टा 9, वनस्पतिः 10, स्वाहाकृतयः 11		

जुषस्व नः समिधमग्रे अद्य शोचा बृहद्यजतं धूममृण्वन्	
उप स्पृश दिव्यं सानु स्तूपैः सं रश्मिभिस्ततनः सूर्यस्य	॥ 1 ॥
नराशंसस्य महिमानमेषामुप स्तोषाम यजतस्य यज्ञैः	
ये सुकृतवः शुचयो धियंधाः स्वदन्ति देवा उभयानि हव्या	॥ 2 ॥
ईळैन्यं वो असुरं सुदक्षमन्तर्दूतं रोदसी सत्यवाचम्	
मनुष्वदग्निं मनुना समिद्धं समध्वराय सदमिन्महेम	॥ 3 ॥
सपर्यवो भरमाणा अभिज्ञु प्र वृञ्जते नमसा बर्हिरग्नौ	
आजुह्वाना घृतपृष्ठं पृषद्वध्वर्यवो हविषा मर्जयध्वम्	॥ 4 ॥
स्वाध्वोर् वि दुरो देव्यन्तोऽशिश्र्यू रथयुर्देवताता	
पूर्वी शिशुं न मातरा रिहाणे समग्रवो न समनेष्वञ्जन्	॥ 5 ॥
उत योषणे दिव्ये मही न उषासानक्ता सूदुधेव धेनुः	
बर्हिषदा पुरुहूते मघोनी आ यज्ञिये सुविताय श्रयेताम्	॥ 6 ॥
विप्रा यज्ञेषु मानुषेषु कारू मन्ये वां जातवेदसा यजध्वै	
ऊर्ध्वं नो अध्वरं कृतं हवेषु ता देवेषु वनथो वार्याणि	॥ 7 ॥
आ भारती भारतीभिः सजोषा इळा देवैर्मानुष्येभिरग्निः	
सरस्वती सारस्वतेभिर्वाक् तिस्रो देवीर्बर्हिरेदं संदन्तु	॥ 8 ॥
तन्नस्तुरीपमध पोषयित्वा देव त्वष्टृवि रराणः स्यस्व	
यतो वीरः कर्मण्यः सुदक्षो युक्तग्रावा जायते देवकामः	॥ 9 ॥
वनस्पतेऽव सृजोप देवान्निर्हविः शमिता सूदयाति	
सेदु होता सत्यतरो यजाति यथा देवानां जनिमानि वेद	॥ 10 ॥
आ याह्यग्रे समिधानो अर्वाङ्घ्रिण देवैः सुरथं तुरेभिः	
बर्हिर्न आस्तामर्दितिः सुपुत्रा स्वाहा देवा अमृता मादयन्ताम्	॥ 11 ॥

(10)

3

(म.7, अनु.1)

ऋषिः वसिष्ठः मैत्रावरुणिः	छन्दः त्रिष्टुप्	देवता अग्निः
---------------------------	------------------	--------------

अग्निं वो देवमग्निभिः सजोषा यजिष्ठं दूतमध्वरे कृणुध्वम्	
यो मर्त्येषु निधुविर्हृतावा तपुर्मूर्धा घृतान्नः पावकः	॥ 1 ॥
प्रोथदश्वो न यवसेऽविष्यन्दा महः संवरणाद्ब्रह्मस्थात्	

आदस्य वातो अनु वाति शोचिरध स्म ते व्रजनं कृष्णमस्ति ॥ 2 ॥
 उद्यस्य ते नवजातस्य वृष्णोऽग्रे चरन्त्यजरा इधानाः |
 अच्छा घामरुषो धूम एति सं दूतो अग्र ईयसे हि देवान् ॥ 3 ॥
 वि यस्य ते पृथिव्यां पाजो अश्रैतृषु यदन्ना समवृक्त जम्भैः |
 सेनेव सृष्टा प्रसितिष्ट एति यवं न दस्म जुह्वा विवेक्षि ॥ 4 ॥
 तमिद्दोषा तमुषसि यविष्ठमग्रिमत्यं न मर्जयन्त नरः |
 निशिशाना अतिथिमस्य योनौ दीदाय शोचिराहुतस्य वृष्णः ॥ 5 ॥
 सुसंहकै स्वनीक प्रतीकं वि यद्भुक्मो न रोचस उपाके |
 दिवो न ते तन्यतुरेति शुष्मश्चित्रो न सूरः प्रति चक्षि भानुम् ॥ 6 ॥
 यथा वः स्वाहाग्रये दाशेम् परीळाभिर्घृतवद्भिश्च हव्यैः |
 तेभिर्नो अग्रे अमितैर्महोभिः शतं पूभिरायसीभिर्नि पाहि ॥ 7 ॥
 या वा ते सन्ति दाशुषे अधृष्टा गिरो वा याभिर्नृवतीरुरुष्याः |
 ताभिर्नः सूनो सहसो नि पाहि स्मत्सूरीञ्जरितृञ्जातवेदः ॥ 8 ॥
 निर्यत्पूतेव स्वधितिः शुचिर्गात्स्वया कृपा तन्वाः रोचमानः |
 आ यो मात्रोरुशेन्यो जनिष्ट देवयज्याय सुक्रतुः पावकः ॥ 9 ॥
 एता नो अग्रे सौभगा दिदीह्यपि क्रतुं सुचेतसं वतेम |
 विश्वा स्तोतृभ्यो गृणते च सन्तु यूयं पात स्वस्तिभिः सदा नः ॥ 10 ॥

(10)

4

(म.7, अनु.1)

ऋषिः वसिष्ठः मैत्रावरुणिः	छन्दः त्रिष्टुप्	देवता अग्निः
---------------------------	------------------	--------------

प्र वः शुक्राय भानवे भरध्वं हव्यं मतिं चाग्रये सुपूतम् |
 यो दैव्यानि मानुषा जनुष्यन्तर्विश्वानि विद्मना जिगाति ॥ 1 ॥
 स गृत्सो अग्रिस्तरुणश्चिदस्तु यतो यविष्ठो अजनिष्ट मातुः |
 सं यो वना युवते शुचिदन्भूरि चिदन्ना समिदत्ति सद्यः ॥ 2 ॥
 अस्य देवस्य संसद्यनीके यं मर्तासः श्येतं जगृभे |
 नि यो गृभं पौरुषेयीमुवोच दुरोकमग्रिरायवे शुशोच ॥ 3 ॥
 अयं क्विरकविषु प्रचेता मतेष्वग्रिरमृतो नि धायि |
 स मा नो अत्र जुहुरः सहस्वः सदा त्वे सुमनसः स्याम ॥ 4 ॥
 आ यो योनिं देवकृतं ससाद् क्रत्वा ह्यश्रिर्मृताँ अतारीत् |
 तमोषधीश्च वनिनश्च गर्भं भूमिश्च विश्वधायसं बिभर्ति ॥ 5 ॥
 ईशे ह्यश्रिर्मृतस्य भूरेरीशे रायः सुवीर्यस्य दातोः |
 मा त्वा वयं सहसावन्नवीरा माप्सवः परि षदाम् मादुवः ॥ 6 ॥

परिषद्द्यं ह्यरणस्य रेक्णो नित्यस्य रायः पतयः स्याम |
 न शेषो अग्रे अन्यजातमस्त्यचेतानस्य मा पथो वि दुक्षः || 7 ||
 नहि ग्रभायारणः सुशेवोऽन्योदर्यो मनसा मन्त्वा उ |
 अर्धा चिदोकः पुनरित्स एत्या नो वाज्यभीषाळेतु नव्यः || 8 ||
 त्वमग्रे वनुष्यतो नि पाहि त्वमु नः सहसावन्नवद्यात् |
 सं त्वा ध्वस्मन्वदभ्येतु पाथः सं रयिः स्पृहयाय्यः सहस्री || 9 ||
 एता नो अग्रे सौर्भगा दिदीह्यपि क्रतुं सुचेतसं वतेम |
 विश्वा स्तोतृभ्यो गृणते च सन्तु यूयं पात स्वस्तिभिः सदा नः || 10 ||

(9)

5

(म.7, अनु.1)

ऋषिः वसिष्ठः मैत्रावरुणिः	छन्दः त्रिष्टुप्	देवता वैश्वानरः अग्निः
---------------------------	------------------	------------------------

प्राग्रयै त्वसै भरध्वं गिरं दिवो अरतयै पृथिव्याः |
 यो विश्वेषाममृतानामुपस्थे वैश्वानरो वावृधे जागृवद्भिः || 1 ||
 पृष्टो दिवि धाय्यग्निः पृथिव्यां नेता सिन्धूनां वृषभः स्तियानाम् |
 स मानुषीरुभि विशो वि भाति वैश्वानरो वावृधानो वरेण || 2 ||
 त्वद्भिया विश आयन्नसिक्रीरसमना जहतीर्भोजनानि |
 वैश्वानर पूरवे शोशुचानः पुरो यदग्रे दरयन्नदीदेः || 3 ||
 तव त्रिधातुं पृथिवी उत द्यौर्वैश्वानर व्रतमग्रे सचन्त |
 त्वं भासा रोदसी आ तन्त्याजस्त्रेण शोचिषा शोशुचानः || 4 ||
 त्वामग्रे हरितो वावशाना गिरः सचन्ते धुनयो घृताचीः |
 पतिं कृष्टीनां रथ्यं रयीणां वैश्वानरमुषसां केतुमह्वाम् || 5 ||
 त्वे असुर्यं वसवो न्यृण्वन्क्रतुं हि ते मित्रमहो जुषन्त |
 त्वं दस्युरोकसो अग्र आज उरु ज्योतिर्जनयन्नार्याय || 6 ||
 स जायमानः परमे व्योमन्वायुर्न पाथः परि पासि सद्यः |
 त्वं भुवना जनयन्नभि क्रन्नपत्याय जातवेदो दशस्यन् || 7 ||
 तामग्रे अस्मे इषमेरयस्व वैश्वानर द्युमतीं जातवेदः |
 यया राधः पिन्वसि विश्ववार पृथु श्रवो दाशुषे मर्त्याय || 8 ||
 तं नो अग्रे मघवद्भ्यः पुरुक्षुं रयिं नि वाजं श्रुत्यं युवस्व |
 वैश्वानर महि नः शर्म यच्छ रुद्रेभिरग्रे वसुभिः सजोषाः || 9 ||

ऋषिः वसिष्ठः मैत्रावरुणिः	छन्दः त्रिष्टुप्	देवता वैश्वानरः अग्निः
प्र सम्राजो असुरस्य प्रशस्तिं पुंसः कृष्टीनामनुमाद्यस्य		
इन्द्रस्येव प्र त्वसंसकृतानि वन्दे दारुं वन्दमानो विवक्मि	॥ 1 ॥	
कविं केतुं धासिं भानुमद्रैर्हिन्वन्ति शं राज्यं रोदस्योः		
पुरंदुरस्य गीर्भिरा विवासेऽग्नेर्ब्रतानि पूर्व्या महानि	॥ 2 ॥	
न्यक्रतून्प्रथिनो मृध्वाचः पणोरंश्रद्धाँ अवृधाँ अयज्ञान्		
प्रप्र तान्दस्यूरग्निर्विवायु पूर्वश्चकारापराँ अयज्युन्	॥ 3 ॥	
यो अपाचीने तमसि मरुन्तीः प्राचीश्चकार नृतमः शचीभिः		
तमीशानं वस्वो अग्निं गृणीषेऽनानतं दमयन्तं पृतन्युन्	॥ 4 ॥	
यो देह्यो ३ अनमयद्वधुस्त्रैर्यो अर्यपत्नीरुषसश्चकारं		
स निरुध्या नहुषो युहो अग्निर्विशश्चक्रे बलिहृतः सहोभिः	॥ 5 ॥	
यस्य शर्मन्नुप विश्वे जनासु एवैस्तस्थुः सुमतिं भिक्षमाणाः		
वैश्वानरो वरुमा रोदस्योराग्निः संसाद पित्रोरुपस्थम्	॥ 6 ॥	
आ देवो ददे बुध्या ३ वसूनि वैश्वानर उदिता सूर्यस्य		
आ समुद्रादवरादा परस्मादाग्निर्ददे दिव आ पृथिव्याः	॥ 7 ॥	

ऋषिः वसिष्ठः मैत्रावरुणिः	छन्दः त्रिष्टुप्	देवता अग्निः
प्र वो देवं चित्सहसानमग्निमश्वं न वाजिनं हिषे नमोभिः		
भवा नो दूतो अध्वरस्य विद्वान्त्मना देवेषु विविदे मितद्रुः	॥ 1 ॥	
आ याह्यग्रे पृथ्या ३ अनु स्वा मन्द्रो देवानां सुख्यं जुषाणः		
आ सानु शुष्मैर्नदयन्पृथिव्या जम्भैर्भिर्विश्वमुशधुग्वनानि	॥ 2 ॥	
प्राचीनो यज्ञः सुधितं हि बर्हिः प्रीणीते अग्निरीळितो न होता		
आ मातरा विश्ववारि हुवानो यतो यविष्ठ जज्ञिषे सुशेवः	॥ 3 ॥	
सद्यो अध्वरे रथिरं जनन्त मानुषासो विचेतसो य एषाम्		
विशाम्धायि विशपतिर्दुरोणे ३ग्निर्मन्द्रो मधुवचा ऋतावा	॥ 4 ॥	
असादि वृतो वह्निराजगन्वानग्निर्ब्रह्मा नृषदने विधुर्ता		
द्यौश्च यं पृथिवी वावृधाते आ यं होता यजति विश्ववारम्	॥ 5 ॥	
एते द्युम्नेर्भिर्विश्वमातिरन्त मन्त्रं ये वारं नर्या अतक्षन्		
प्र ये विशस्तिरन्त श्रोषमाणा आ ये मे अस्य दीधयन्नृतस्य	॥ 6 ॥	

नू त्वामग्र ईमहे वसिष्ठा ईशानं सूनो सहस्रो वसूनाम् |
 इषं स्तोतृभ्यो म्घवञ्छ आनड्युयं पात स्वस्तिभिः सदा नः || 7 ||

(7)

8

(म.7, अनु.1)

ऋषिः वसिष्ठः मैत्रावरुणिः	छन्दः त्रिष्टुप्	देवता अग्निः
---------------------------	------------------	--------------

इन्धे राजा समर्यो नमोभिर्यस्य प्रतीकमाहुतं घृतेन |
 नरो हव्येभिरीळते सुबाधु आग्रिरग्र उषसामशोचि || 1 ||
 अयमु ष्य सुमहाँ अवेदि होता मन्द्रो मनुषो यद्दो अग्निः |
 वि भा अंकः ससृजानः पृथिव्यां कृष्णपविरोषधीभिर्ववक्षे || 2 ||
 कया नो अग्ने वि वसः सुवृक्तिं कामु स्वधामृणवः शस्यमानः |
 कदा भवेम पतयः सुदत्र रायो वन्तारो दुष्टरस्य साधोः || 3 ||
 प्रप्रायमग्निर्भरतस्य शृण्वे वि यत्सूर्यो न रोचते बृहद्भाः |
 अभि यः पूरुं पृतनासु तस्थौ द्युतानो दैव्यो अतिथिः शुशोच || 4 ||
 असन्नित्त्वे आहवनानि भूरि भुवो विश्वेभिः सुमना अनीकैः |
 स्तुतश्चिदग्रे शृण्विषे गृणानः स्वयं वर्धस्व तन्वं सुजात || 5 ||
 इदं वचः शतसाः संसहस्रमुदग्रये जनिषीष्ट द्विबर्हीः |
 शं यत्स्तोतृभ्य आपये भवाति द्युमदमीवचातनं रक्षोहा || 6 ||
 नू त्वामग्र ईमहे वसिष्ठा ईशानं सूनो सहस्रो वसूनाम् |
 इषं स्तोतृभ्यो म्घवञ्छ आनड्युयं पात स्वस्तिभिः सदा नः || 7 ||

(6)

9

(म.7, अनु.1)

ऋषिः वसिष्ठः मैत्रावरुणिः	छन्दः त्रिष्टुप्	देवता अग्निः
---------------------------	------------------	--------------

अबोधि जार उषसामुपस्थाद्धोता मन्द्रः क्वितमः पावकः |
 दधाति केतुमुभयस्य जन्तोर्हव्या देवेषु द्रविणं सुकृत्सु || 1 ||
 स सुक्रतुर्यो वि दुरः पणीनां पुनानो अर्कं पुरुभोजसं नः |
 होता मन्द्रो विशां दमूनास्तिरस्तमो ददशे राम्याणाम् || 2 ||
 अमूरः क्विरदितिर्विस्वान्तसुसंसन्मित्रो अतिथिः शिवो नः |
 चित्रभानुरुषसां भात्यग्रेऽपां गर्भैः प्रस्वर् आ विवेश || 3 ||
 ईळेन्यो वो मनुषो युगेषु समनगा अशुचज्जातवैदाः |
 सुसुदृशा भानुना यो विभाति प्रति गावः समिधानं बुधन्त || 4 ||
 अग्रे याहि दूत्यं मा रिषण्यो देवाँ अच्छा ब्रह्मकृता गुणेन |
 सरस्वतीं मरुतो अश्विनापो यक्षि देवान् रत्नधेयाय विश्वान् || 5 ||

त्वामग्ने समिधानो वसिष्ठो जरूथं हन्यक्षि राये पुरंधिम् ।
पुरुणीथा जातवेदो जरस्व यूयं पात स्वस्तिभिः सदा नः ॥ 6 ॥

(5) **10** (म.7, अनु.1)

ऋषिः वसिष्ठः मैत्रावरुणिः छन्दः त्रिष्टुप् देवता अग्निः

उषो न जारः पृथु पाजो अश्रेद्विद्युत्दीद्यच्छोशुचानः ।
वृषा हरिः शुचिरा भाति भासा धियो हिन्वान उशतीरजीगः ॥ 1 ॥
स्वर्णं वस्तोरुषसामरोचि यज्ञं तन्वाना उशिजो न मन्म
अग्निर्जन्मानि देव आ वि विद्वान्द्रवदूतो देवयावा वनिष्ठः ॥ 2 ॥
अच्छा गिरो मृतयो देवयन्तीरग्निं यन्ति द्रविणं भिक्षमाणाः
सुसंहशं सुप्रतीकं स्वञ्च हव्यवाहमरतिं मानुषाणाम् ॥ 3 ॥
इन्द्रं नो अग्ने वसुभिः सजोषा रुद्रं रुद्रेभिरा वहा बृहन्तम्
आदित्येभिरदितिं विश्वजन्यां बृहस्पतिमृकभिर्विश्ववारम् ॥ 4 ॥
मन्द्रं होतारमुशिजो यविष्ठमग्निं विश ईळते अध्वरेषु
स हि क्षपावाँ अभवद्रयीणामतन्द्रो दूतो यजथाय देवान् ॥ 5 ॥

(5) **11** (म.7, अनु.1)

ऋषिः वसिष्ठः मैत्रावरुणिः छन्दः त्रिष्टुप् देवता अग्निः

महाँ अस्यध्वरस्य प्रकेतो न ऋते त्वदमृता मादयन्ते ।
आ विश्वेभिः सुरथं याहि देवैर्यग्ने होता प्रथमः सदेह ॥ 1 ॥
त्वामीळते अजिरं दूत्याय हविष्मन्तः सद्मिन्मानुषासः
यस्य देवैरासदो बर्हिरग्नेऽहान्यस्मै सुदिना भवन्ति ॥ 2 ॥
त्रिश्चिदक्तोः प्र चिकितुर्वसूनि त्वे अन्तर्दाशुषे मर्त्याय
मनुष्वदग्र इह यक्षि देवान्भवा नो दूतो अभिशस्तिपावा ॥ 3 ॥
अग्निरीशे बृहतो अध्वरस्याग्निर्विश्वस्य हविषः कृतस्य
क्रतुं ह्यस्य वसवो जुषन्ताथा देवा दधिरे हव्यवाहम् ॥ 4 ॥
आग्ने वह हविरघाय देवानिन्द्रज्येष्ठास इह मादयन्ताम्
इमं यज्ञं दिवि देवेषु धेहि यूयं पात स्वस्तिभिः सदा नः ॥ 5 ॥

(3) **12** (म.7, अनु.1)

ऋषिः वसिष्ठः मैत्रावरुणिः छन्दः त्रिष्टुप् देवता अग्निः

अगन्म महा नमसा यविष्ठं यो दीदाय समिद्धः स्वे दुरोणे ।
चित्रभानुं रोदसी अन्तरुर्वी स्वाहुतं विश्वतः प्रत्यञ्चम् ॥ 1 ॥
स महा विश्वा दुरितानि साह्वानग्निः ष्ट्वे दम् आ जातवेदाः ।

स नो रक्षिषद्दुरिताद्वद्यादस्मानृणत उत नो मृघोनः ॥ 2 ॥
 त्वं वरुण उत मित्रो अग्ने त्वां वर्धन्ति मृतिभिर्वसिष्ठाः ।
 त्वे वसु सुषणुनानि सन्तु यूयं पात स्वस्तिभिः सदा नः ॥ 3 ॥

(3) **13** (म.7, अनु.1)

ऋषिः वसिष्ठः मैत्रावरुणिः छन्दः त्रिष्टुप् देवता वैश्वानरः अग्निः

प्राग्रये विश्वशुचे धियुधेऽसुरघ्ने मन्म धीतिं भरध्वम् ।
 भरै हविर्न बर्हिषि प्रीणानो वैश्वानराय यतये मतीनाम् ॥ 1 ॥
 त्वमग्ने शोचिषा शोशुचान् आ रोदसी अपृणा जायमानः ।
 त्वं देवाँ अभिशस्तेरमुञ्चो वैश्वानर जातवेदो महित्वा ॥ 2 ॥
 जातो यदग्ने भुवना व्यख्यः पशून् गोपा इर्यः परिज्मा ।
 वैश्वानर ब्रह्मणे विन्द गातुं यूयं पात स्वस्तिभिः सदा नः ॥ 3 ॥

(3) **14** (म.7, अनु.1)

ऋषिः वसिष्ठः मैत्रावरुणिः छन्दः बृहती 1, त्रिष्टुप् 2-3 देवता अग्निः

समिधा जातवेदसे देवाय देवहृतिभिः ।
 हविर्भिः शुक्रशोचिषे नमस्विनो वयं दाशेमाग्रये ॥ 1 ॥
 वयं ते अग्ने समिधा विधेम वयं दाशेम सुष्टुती यजत्र ।
 वयं घृतेनाध्वरस्य होतव्यं देव हविषा भद्रशोचे ॥ 2 ॥
 आ नो देवेभिरुप देवहृतिमग्ने याहि वर्षद्वृतिं जुषाणः ।
 तुभ्यं देवाय दाशतः स्याम यूयं पात स्वस्तिभिः सदा नः ॥ 3 ॥

(15) **15** (म.7, अनु.1)

ऋषिः वसिष्ठः मैत्रावरुणिः छन्दः गायत्री देवता अग्निः

उपसद्याय मीळहुष आस्ये जुहुता हविः । यो नो नेदिष्ठमाप्यम् ॥ 1 ॥
 यः पञ्च चर्षणीरभि निषसाद् दमैदमे । कुविर्गृहपतिर्युवा ॥ 2 ॥
 स नो वेदो अमात्यमग्नी रक्षतु विश्वतः । उतास्मान् पात्वंहसः ॥ 3 ॥
 नवुं नु स्तोममग्रये दिवः श्येनाय जीजनम् । वस्वः कुविद्वनार्ति नः ॥ 4 ॥
 स्पार्हा यस्य श्रियो दृशे रयिर्वीरवतो यथा । अग्ने यज्ञस्य शोचतः ॥ 5 ॥
 सेमां वैतु वर्षद्वृतिमग्निर्जुषत नो गिरः । यजिष्ठो हव्यवाहनः ॥ 6 ॥
 नि त्वा नक्ष्य विशपते द्युमन्तं देव धीमहि । सुवीरमग्र आहुत ॥ 7 ॥
 क्षप उन्नश्च दीदिहि स्वग्रयस्त्वया वयम् । सुवीरस्त्वमस्म्युः ॥ 8 ॥
 उप त्वा सातये नरो विप्रांसो यन्ति धीतिभिः । उपाक्षरा सहस्रिणी ॥ 9 ॥
 अग्नी रक्षांसि सेधति शुक्रशोचिरमर्त्यः । शुचिः पावक ईड्यः ॥ 10 ॥
 स नो राधास्या भ्रेशानः सहसो यहो । भगश्च दातु वार्यम् ॥ 11 ॥

त्वमग्रे वीरवृद्यशो देवश्च सविता भगः	दितिश्च दाति वार्यम्	॥ 12 ॥
अग्रे रक्षा णो अंहसः प्रति ष्म देव रीषतः	तपिष्ठैरुजरो दह	॥ 13 ॥
अधा मही न आयुस्यनाधृष्टो नृपीतये	पूर्भवा शतभुजिः	॥ 14 ॥
त्वं नः पाह्यंहसो दोषावस्तरघायुतः	दिवा नक्तमदाभ्य	॥ 15 ॥

(12)

16

(म.7, अनु.1)

ऋषिः वसिष्ठः मैत्रावरुणिः	छन्दः बृहती 1,3,5,7,9,11, सतोबृहती 2,4,6,8,10,12	देवता अग्निः
---------------------------	--	--------------

एना वो अग्निं नमसोर्जो नपात्मा हुवे । प्रियं चेतिष्ठमरतिं स्वध्वरं विश्वस्य दूतममृतम्	॥ 1 ॥
स योजते अरुषा विश्वभोजसा स दुद्रवत्स्वाहुतः	
सुब्रह्मा यज्ञः सुशामी वसूनां देवं राधो जनानाम्	॥ 2 ॥
उदस्य शोचिरस्थादाजुह्वानस्य मीळहृषः	
उद्धूमासो अरुषासो दिविस्पृशः समग्निमिन्धते नरः	॥ 3 ॥
तं त्वा दूतं कृण्महे यशस्तमं देवाँ आ वीतये वह	
विश्वा सूनो सहसो मर्तभोजना रास्व तद्यत्वेमहे	॥ 4 ॥
त्वमग्रे गृहपतिस्त्वं होता नो अध्वरे । त्वं पोता विश्ववार प्रचेता यक्षि वेषि च वार्यम्	॥ 5 ॥
कृधि रत्नं यजमानाय सुक्रतो त्वं हि रत्नधा असि	
आ न ऋते शिशीहि विश्वमृत्विजं सुशंसो यश्च दक्षते	॥ 6 ॥
त्वे अग्रे स्वाहुत प्रियासः सन्तु सूरयः । यन्तारो ये मघवानो जनानामूर्वान्दयन्तु गोनाम्	॥ 7 ॥
येषामिळा घृतहस्ता दुरोण आँ अपि प्राता निषीदति	
ताँस्त्रायस्व सहस्य द्रुहो निदो यच्छा नः शर्म दीर्घश्रुत्	॥ 8 ॥
स मन्द्रया च जिह्वया वह्निरासा विदुष्टरः । अग्रे रयिं मघवद्भ्यो न आ वह हव्यदातिं च सूदय	॥ 9 ॥
ये राधांसि ददत्यश्व्या मघा कामेन श्रवसो महः । ताँ अंहसः पिपृहि पृत्भिष्टं शतं पूर्भर्यविष्ट्य	॥ 10 ॥
देवो वो द्रविणोदाः पूर्णा विवष्ट्यासिचम् । उद्रा सिञ्चध्वमुप वा पृणध्वमादिद्रो देव ओहते	॥ 11 ॥
तं होतारमध्वरस्य प्रचेतसं वह्निं देवा अकृण्वत । दधाति रत्नं विधते सुवीर्यमग्निर्जनाय दाशुषे	॥ 12 ॥

(7)

17

(म.7, अनु.1)

ऋषिः वसिष्ठः मैत्रावरुणिः	छन्दः द्विपदा त्रिष्टुप्	देवता अग्निः
---------------------------	--------------------------	--------------

अग्रे भव सुषमिधा समिद्ध उत बर्हिर्कृविया वि स्तृणीताम्	॥ 1 ॥
उत द्वार उशतीर्वि श्रयन्तामुत देवाँ उशत आ वहेह	॥ 2 ॥
अग्रे वीहि हविषा यक्षि देवान्त्स्वध्वरा कृणुहि जातवेदः	॥ 3 ॥
स्वध्वरा करति जातवेदा यक्षद्देवाँ अमृतांन्प्रियञ्च	॥ 4 ॥
वंस्व विश्वा वार्याणि प्रचेतः सत्या भवन्त्वाशिषो नो अद्य	॥ 5 ॥
त्वामु ते दधिरे हव्यवाहं देवासो अग्र ऊर्ज आ नपात्मा	॥ 6 ॥
ते ते देवाय दाशतः स्याम महो नो रत्ना वि दध इयानः	॥ 7 ॥

ऋषिः वसिष्ठः मैत्रावरुणिः

छन्दः त्रिष्टुप् देवता इन्द्रः 1-21, सुदाः पैजवनः 22-25

त्वे ह यत्पितरश्चिन्न इन्द्र विश्वा वामा जरितारो असन्वन्	
त्वे गावः सुदुघास्त्वे ह्यश्वास्त्वं वसु देवयुते वनिष्ठः	1
राजैव हि जनिभिः क्षेष्येवाव द्युभिरभि विदुष्कविः सन्	
पिशा गिरो मघवन्गोभिरश्वैस्त्वायुतः शिशीहि राये अस्मान्	2
इमा उ त्वा पस्पृधानासो अत्र मन्द्रा गिरो देवयन्तीरुप स्थुः	
अर्वाची ते पथ्या राय एतु स्याम ते सुमताविन्द्र शर्मान्	3
धेनुं न त्वा सूयवसे दुदुक्षन्नपु ब्रह्माणि ससृजे वसिष्ठः	
त्वामिन्मे गोपतिं विश्व आहा न इन्द्रः सुमतिं गन्त्वच्छ	4
अर्णासि चित्प्रथाना सुदास इन्द्रो गाधान्यकृणोत्सुपारा	
शर्धन्तं शिम्युमुचथस्य नव्यः शापं सिन्धूनामकृणोदशस्तीः	5
पुरोळा इत्तुर्वशो यक्षुरासीद्राये मत्स्यासो निशिता अपीव	
श्रुष्टिं चक्रुर्भृगवो द्रुह्यवश्च सखा सखायमतरद्विषूचोः	6
आ पक्थासो भलानसो भनन्ताल्लिनासो विष्णिः शिवासः	
आ योऽनयत्सधमा आर्यस्य गव्या तृत्सुभ्यो अजगन्युधा नृन्	7
दुराध्योऽर्दितिं स्वेवयन्तोऽचेतसो वि जगृभ्रे परुष्णीम्	
मह्नाविव्यक्पृथिवीं पत्यमानः पशुष्कविरशयञ्चार्यमानः	8
इयुरर्थं न न्यर्थं परुष्णीमाशुश्चनेदभिपित्वं जंगाम	
सुदास इन्द्रः सुतुकां अमित्रानरन्धयन्मानुषे वध्निवाचः	9
इयुर्गावो न यवसादगोपा यथाकृतमभि मित्रं चितासः	
पृश्निगावः पृश्निनिप्रेषितासः श्रुष्टिं चक्रुर्नियुतो रन्तयश्च	10
एकं च यो विंशतिं च श्रवस्या वैकर्णयोर्जनात्राजा न्यस्तः	
दस्मो न सद्मन्नि शिशाति बर्हिः शूरः सर्गमकृणोदिन्द्र एषाम्	11
अध श्रुतं कवषं वृद्धमप्स्वनु द्रुह्यं नि वृणग्वज्रबाहुः	
वृणाना अत्र सख्याय सख्यं त्वायन्तो ये अमदन्ननु त्वा	12
वि सद्यो विश्वा दंहितान्येषामिन्द्रः पुरः सहसा सप्त दर्दः	
व्यानवस्य तृत्सवे गयं भागजेषम पूरुं विदथे मृध्रवाचम्	13
नि गव्यवोऽनवो द्रुह्यवश्च षष्टिः शता सुषुपुः षट् सहस्रा	
षष्टिर्वीरासो अधि षड् दुवोयु विश्वेदिन्द्रस्य वीर्या कृतानि	14
इन्द्रेणैते तृत्सवो वेविषाणा आपो न सृष्टा अधवन्त नीचीः	

दुर्मित्रासः प्रकलविन्मिमाना जहुर्विश्वानि भोजना सुदासे	॥ 15 ॥
अर्धं वीरस्य शृतपामनिन्द्रं परा शर्धन्तं ननुदे अभि क्षाम्	
इन्द्रो मन्युं मन्युम्यो मिमाय भजे पथो वर्तनिं पत्यमानः	॥ 16 ॥
आध्रेण चित्तद्वेकं चकार सिंहां चित्पेत्वेना जघान	
अवं स्रक्तीर्वेश्यावृश्चदिन्द्रः प्रायच्छद्विश्वा भोजना सुदासे	॥ 17 ॥
शश्वन्तो हि शत्रवो रारधुष्टे भेदस्य चिच्छर्धतो विन्दु रन्धिम्	
मर्ता एनः स्तुवतो यः कृणोति तिग्मं तस्मिन्नि जहि वज्रमिन्द्र	॥ 18 ॥
आवदिन्द्रं यमुना तृत्सवश्च प्रात्रं भेदं सर्वताता मुषायत्	
अजासश्च शिग्रवो यक्षवश्च बलिं शीर्षाणि जभुरश्वानि	॥ 19 ॥
न ते इन्द्र सुमतयो न रायः संचक्षे पूर्वा उषसो न नूताः	
देवकं चिन्मान्यमानं जघन्थाव त्मना बृहतः शम्बरं भेत्	॥ 20 ॥
प्र ये गृहादर्ममदुस्त्वाया पराशरः शतयातुर्वसिष्ठः	
न ते भोजस्य सख्यं मृषन्ताधा सूरिभ्यः सुदिना व्युच्छान्	॥ 21 ॥
द्वे नमुर्देववतः शते गोर्वा रथा वधूमन्ता सुदासः	
अर्हन्नग्रे पैजवनस्य दानं होतैव सद्म पर्येमि रेभन्	॥ 22 ॥
चत्वारो मा पैजवनस्य दानाः स्मर्दिष्टयः कृशनिनो निरेके	
ऋज्रासो मा पृथिविष्ठाः सुदासस्तोकं तोकाय श्रवसे वहन्ति	॥ 23 ॥
यस्य श्रवो रोदसी अन्तरुर्वा शीर्षोशीर्षो विबभाजा विभक्ता	
सप्तेदिन्द्रं न स्रवतो गृणन्ति नि युध्यामधिर्मशिशदुभीके	॥ 24 ॥
इमं नरो मरुतः सश्चतानु दिवोदासं न पितरं सुदासः	
अविष्टना पैजवनस्य केतं दूणाशं क्षत्रमजरं दुवोयु	॥ 25 ॥

(11)

19

(म.7, अनु.2)

ऋषिः वसिष्ठः मैत्रावरुणिः

छन्दः त्रिष्टुप्

देवता इन्द्रः

यस्तिग्मशृङ्गो वृषभो न भीम एकः कृष्टीश्यावयति प्र विश्वाः	
यः शश्वन्तो अदाशुषो गर्यस्य प्रयन्तासि सुष्वितराय वेदः	॥ 1 ॥
त्वं ह त्यदिन्द्र कुत्समावः शुश्रूषमाणस्तन्वा समर्ये	
दासं यच्छुष्णं कुर्यवं न्यस्मा अरन्धय आर्जुनेयाय शिक्षन्	॥ 2 ॥
त्वं धृष्णो धृषता वीतहव्यं प्रावो विश्वाभिरूतिभिः सुदासम्	
प्र पौरुकुत्सिं त्रसदस्युमावः क्षेत्रसाता वृत्रहत्येषु पूरुम्	॥ 3 ॥
त्वं नृभिर्नृमणो देववीतौ भूरीणि वृत्रा हर्यश्च हंसि	
त्वं नि दस्युं चुमुरिं धुनिं चास्वापयो दुभीतये सुहन्तु	॥ 4 ॥

तव च्यौत्नानि वज्रहस्तु तानि नव यत्पुरो नवतिं च सद्यः	
निवेशने शततुमाविवेषीरहञ्च वृत्रं नमुचिमुताहन्	॥ 5 ॥
सना ता त इन्द्र भोजनानि रातहव्याय दाशुषे सुदासे	
वृष्णे ते हरी वृषणा युनज्मि व्यन्तु ब्रह्माणि पुरुशाक् वाजम्	॥ 6 ॥
मा ते अस्यां सहसावन्परिष्ठावुघाय भूम हरिवः परादै	
त्रायस्व नोऽवृकेभिर्वरुथैस्तव प्रियासः सूरिषु स्याम	॥ 7 ॥
प्रियास इत्ते मघवन्नभिष्टौ नरो मदेम शरणे सखायः	
नि तुर्वशं नि याद्वं शिशीह्यतिथिगवायु शंस्यं करिष्यन्	॥ 8 ॥
सद्यश्चिन्नु ते मघवन्नभिष्टौ नरः शंसन्त्युक्थशास उक्था	
ये ते हवोभिर्वि पूर्णारदाशन्नस्मान्वृणीष्व युज्याय तस्मै	॥ 9 ॥
एते स्तोमा नरां नृतम् तुभ्यमस्मद्र्यञ्चो ददतो मघानि	
तेषामिन्द्र वृत्रहत्ये शिवो भूः सखा च शूरोऽविता च नृणाम्	॥ 10 ॥
नू इन्द्र शूर स्तवमान ऊती ब्रह्मजूतस्तन्वा वावृधस्व	
उप नो वाजान्मिमीह्युप स्तीन्युयं पात स्वस्तिभिः सदा नः	॥ 11 ॥
इति पञ्चमाष्टके द्वितीयोऽध्यायः समाप्तः	